

Resp. 2.] Supponit Nichenkius falsissime, nos & intelligere alios, praeter totaliter induratos, peccatores, qvorum salutem DEus non intenderet; Cum nequidem omnes intelligamus induratos, nedum alios peccatores. Qvæso, David & Manasses, qui citantur p. 20. qvo numero illos habes? Sane ad Classem Induratorum ad tempus talium referes; qvippe qui a DEo non erant penitus deserti, de qvibus nos loquimur: inepte ergo nobis opponuntur. Nobis enim, de iis, qvorum *Induratio est consummata & confirmata*, ut sit *incorrigibilis, immedicabilis*, sermo est. *Lyseri Syst.* p. 1489. a.D. Neumann cum præfatione editum, & disce *Judicium indurationis*.

Resp. 3. Hoc remanet dubium; an omnis, an quædam gratia auferatur Induratis? Concedo enim qvod Terminista Huberianus Nichenck scribit de differentia oblationis, cuius modus urgentibus Circumstantiis non semper uno modo intelligi queat. Responsionem tamen facile suppeditat alia distinctio apud omnes Theologos tatis probata; qvod ubi *Induratio est ὀικονομικὴ καὶ παιδεύσις, dispensativa & correctiva, ablatio gratiæ sit partialis & certi cuiusdam gradus*; Ubi vero est *tέλεια perfecta & finalis*, uti loquitur *Damascenus*, ablatio gratiæ est *omniamoda & omnis gratiæ, etiam revocantis & adsistentis*. Ita loqvuntur multi Theologi. *B. Varenius* supra citatus ad Rom. IX. p. 333. *Pharaoni* DEus omnem resipiscientia gratiam abstulit. *Balth. Meisner* ad Hos. IV. p. 464. Deserit DEus impios & induratos NB. in perpetuum tradendo Satan.e & denegando omnem gratiam. Plura testimonia Theologorum collecta sunt in *Appendice IIX. Bapl. & in Dn. D Rechenb. Disputat. de statu induratorum*, qvam Nichenckius evolvere debuisset.

β] Utimur nos loco ex Joh. XII. 39. 40. oppido manifesto: Hinc argumentum formatur p. 21.

*Q*vicunq; non possunt credere, illorum conversionem DEus per predicationem Verbi sui non intendit:

*Atqui Indurati &c.*

*Ergo.*

Majore limitata: *Q*vicunq; non possunt credere ob defectum omnis gratiæ divinæ, illorum &c. Hic negat Minorem Nichenkius. Sed oppido faliit & fallitur; dum Major limitanda est hunc in modum:

*Q*vicunq; non possunt credere [ob suam malitiam, qvæ precedit, & deinde, qvod sequitur ut *judicium justum*, ob defectum omnis gratiæ]